

Greetings from General Secretary

2020 kum thar thluachuah le lawmhnak nan chungkhar le Khrifabu cio ah tlung ko seh!! Reader is leader an ti bantu in CBCUSA chuah mi Newsletter a rel peng mi nan dilak cung ah lawmhnak ka ngei. March cu US le vawleicung pumpaluk Coronavirus ruang ah khuaruahhar vansang in um a si. US le vawleicung events nganngan hna cancel le postponed an si. CBCUSA nih a ngeih mi programs ICCYC, Thantlang, UCMN Rangoon le Bangkok cancel a si.



CBCUSA ram chung ah programs 1) BT meeting, 2) Theological Forum, 3) Ordination Interview, 4) Pastor thar thlacampiak, 5) Biakinn luh etc., zong postpone/cancel an si. BT inntek a kan tuanpiak ding Chin Christian Church, Indy nih thil sining hoih in theihthiamnak an kan ngeih pin ah a caan aa rem ti tik poh ah an sin ah tuah ding in innkaa kau pi an kan hunh.

March 15 cu CBCUSA nih a hleice thlacam Ni tiah thanh a si bantu in, thlacamtu nan dihlak cung ah lawmhnak ka ngei. Khuazing Pathian nih kan aunak aw a theih hrimhrim lai.

Indianapolis um Khrifabu tam deuh cu online in pumh a si. Indiana cozah nih minung 50 cung hmunkhat ah umti hlah u, tiah order a chuah than. Bar le restaurant zong khar a si. Tihphannak nih minung nunnak ah hmunhma a laak hringhran. Minung sin in a chuak mi virus cu minung sin i a luh khawh ruang ah ralring tein um hi himnak tha bik a si ko. March ah thihloh kan tong ngai. Bawipa nih ngaihchiat a tong mi chungkhar le Khrifabu hnem hram ko hna seh.

2020 cu US Census kum a si. Chin miphun nih census tuah dih ding ah kan sawm hna. Ngakchia bik in upa bik tiang daithlang lo tein April dih hlan ah tuah dih i zuam hna usi.

Zeitin dah kan tial lai?

Chin miphun nih RACE tinak zawn ah CHIN tiah tial ding a si lai.

A ruang:

- 1) Khuazing Pathian nih miphun pakhat ah a kan ser mi kan sinak cu khoika ram kan um zong ah langhter ding a si.
 - 2) Malaysia, India le Guam in rat lio ah CHIN tiah USA cozah nih auh mi kan si.
 - 3) P2 in auh mi cu CHIN lawng a si.
 - 4) Census form ah Country fill up ding an hal lo, RACE lawng an herh mi a si.
- 1) US Census policy ah miphun phun khat sing 1 (100,000) a si mi cu status thar pek an si. Chin miphun zong sing 1 (100,000) kan si tikah CHIN AMERICAN dirhmun pek a si ve lai.

A cunglei phun 4 based in CHIN tiah tial a herhnak cu a si.

Zei ruang ah Census, milu rel cazin tuah a herh?

1. Nawlngaih a si.

Ram nawlgeitu upatnak, nawlngaihna a si. Chin miphun cu Khrihfa kan si ruang ah nawl a ngai mi si loin, kan kokek sining hrim in nawl a ngai mi kan si.

2. Milu (*population*) zoh in Federal nih State budget a pek

US cu Federal ram a si ruang ah State milu tlawmtam zoh in Federal nih State kip ah budget a pek. State pakhat ah na um ko, na milu rel na si lo ahcun midang savo naa hrawm a si. Minung tam le tlawm ning in covo pek a si ruang ah census tuah a herhnak cu a si.

3. State nih County milu zoh in budget a pek

Federal nih State milu zoh in budget a pek bantu in State cio nih County milu zoh in budget a pek ve. County pakhat ah na um ko nain, census na tuah lo ahcun state nih na um an in hngal lo, tinak a si i budget tuahpiak na si lai lo. Midang nih an hmuh cia mi savo naa hrawm a si. Tahchunhnak ah Indiana State ah Chin miphun um tamnak bik cu Marion County a si. Marion County ah um Chin nih census kan tuah dih lawng ah Marion County milu a karh lai i budget a karh ve lai. Census tuah hi a ngaingai ti ahcun mah le mah i bawmh a si, cozah rianquan thiamnak bawmh zong a si.

County milu zoh in budget a pek?

Mah le county milu zoh in a tanglei bang budget phawt a si:

- | | |
|-------------------------|--|
| 1. School | 7. Foodstamp, Medicaid, Medicare |
| 2. School ah rawl einak | 8. Senior home |
| 3. School Library | 9. Thonginn |
| 4. Hospital | 10. State nih a ngeih mi buildings, programs |
| 5. Headstart | 11) Park |
| 6. Pre-school | 12) Recreation Center |

Mah le County cio ah CHIN milu a tam ahcun

- 1) School Board of Directors
- 2) City Council
- 3) Party cio Block Council,
- 4) Mayor Office ah liaison
- 5) Hmun dangdang ah tel khawhnak lam a um cang.

2020 Census ah CHIN tiah tial ding ah online form le mail in fill up khawh a si. Bawmh a herh mi an um ahcun

- 1) Biakinn
- 2) Chin Community
- 3) CYO
- 4) Bu dangdang nih bawmh ding ah tñanvo laak cio ah a tñha.

Daithlan nih teinak a chuahpi ballo, A caan chung ah, a herh ning in tñannak nih ngaichihnak a chuahpi bal lai lo.

Khuazing Pathian nih CBCUSA le Chin miphun thluachuah pe chin ko seh!!

Bawi Khrih ah nan tñan hawi,

T. Bawhrin

Thlaawr Bawhrin

General Secretary

CBCUSA

Indianapolis, Indiana

Shape
your future
START HERE >

United States®
Census
2020

Available online: my2020census.gov

BD Meeting tluang te'n

CBCUSA BD (Board of Directors) meeting cu Feb. 27 – 29, 2020 tiang Chin Evangelical Baptist Church, Lewisville, Texas (CEBC) ah tluangte'n tuah a si. Meeting a kai ding minung 27 chung in 1 lawng a bau. CEBC hi 2016 lio zong ah BT meeting a rak dong cang mi an si. An cung ah lawmh a ngan tuk!



Tu tan meeting ah cohlan thar chungtel church cu Charlotte, North Carolina um Emmanuel Lai Baptist Church (ELBC) an si. Chungtel zate 159 an si i, an Pastor cu Rev. S. Hmung Luai a si. Bawipa nih an Khrihfabu hruai ko hna seh!

Chin Christian Church, Indianapolis, Indiana nih April 2 in 4 tiang lunglawm thatho te i don an timh mi BT (Board of Trustees) meeting cu tulio vawlei a hnin dih tu COVID-19 ruang ah zeitik ti um lo in cancel a si. BD in BT ah lanhpi ding agenda zong ceihchah khawh lo in um a si. Hi ruang ah CBCUSA hruaitu upa an lungre a thei ngai. Bawipa tu nih CBCUSA umpi ko seh!

BD meeting hi kum khat ah vawi 2 ngeih tawn a si i, kan hmai meeting cu Lai Baptist Church, Maryland nih an i ham. CBCUSA riantuannak i biapi tuk a si mi BD meeting tlamtling te i tuah khawh a si te naklai thla cam cio ko usi!

Pathian lamhruainak thawng in International Chin Baptist Mission (ICBM) rianatunak cu a thangocho i theipar hmuh khawh ding a lang chin lengmang. Pechantu le bawmtu nan dihlak cung ah kan i lawm. Bawipa nih thluachuah in pe ko hna seh!

Degree Laknak

ICBM fimcawnnak program in Fimcawnnak lei i kan bawmh mi sianggakchia 3 nih 2019-2020 fim cawn kum March 15 ah degree an kan lakpiak khawh; Pathian kan thangthat:

- 1) Pa Run Hup (CBCUSA General Secretary hlun Rev. Dr. C. Duh Kam family nih zoh mi) nih Kalay University in B.Sc. tlamtling tein a kan lakpiak. Pa Run Hup hi Gangaw peng, GBA ram chung in ICBM nih zoh mi a si. ICBM Scholarship pek mi chung in degree la hmasa bik a si.
- 2) Paletwa peng in CCU (Hakha) ah Bible sianginn a kai mi Pa Kyaw Lin Tun zong nih Dip. Th degree tlamtling tein a kan lakpiak ve. Amah hi an class chung ah pakhatnak laksawng (First Prize) a hmuh lawng si loin Faiceu laksawng zong a kan lakpiak tu a si.
- 3) Mindat peng in CCU (Hakha) ah sianginn a kai mi Pa Hung Kui Thang zong nih B. A. (English) degree tlamtling tein a kan lakpiak ve. Degree lak sawhsawh si lo in an class chung in B. A. English Award zong a kan hmuhiak.



Run Hup, B. Sc. (Math)



Kyaw Lin Tun le Hung Kui Thang

Cun Mid-America Chin Christian Fellowship Nubu nih an zoh i Myanmar Institute of Theology (MIT), Yangon ah sianginn a kai mi Pa Thawng Kyaw zong nih M. Div. degree a kan lakpiak khawh. Amah hi Paletwa peng in a si i, Paletwa ICBM field ah Field Director a kan tnanpiak colh ding a si. Association hraultu hna hnatlaknak in Field Director hi kum 5-6 ah i thlen lengmang ding an ti rung ah Field Director hlun Aung Tun zaka ah a tnan lai.

Kumvui 2021 ah cun Secular in siseh, Seminary in siseh minung tam deuh nih degree an kan lakpiak khawh cang lai, tiah ruahchannak a ngan ko.

Local Church in a dir mi Khrihfabu

Chinram ah ICBM rianatunak cu kum 6 tluk lawng a si rih nain ICBM Mission Fields chung in Khrihfabu 3 cu March 2020 thok in an umnak Association cio ah local church in anmah ke tein an dir kho cang hna. Ukphu Baptist Church (Kanpalet), Chat Baptist Church (Mindat) le Zion Baptist Church (Kanpalet) cu an umnak Association blessing peknak in anmah tein an dir kho cang. Zion Baptist Church hi ICBM missionary Rev. Naing Thang tnanak a si i 2021 ah local church pek ding ah ruah mi a si nain Kanpalet Township Baptist Association (KTBA) nih tukum ah blessing a pek mi a si.

Medical Missionary Training

Tuan ah “Nurse Aides” tiah rak ti mi, February, 2020 BD nih “Medical Missionary” tiah min thlen hnatlaknak a ngeih mi, cu kan ngeih thing minung 13 leng ah a thar in minung 13 training an kai than (13 chung ah pakhat hi kan missionary chung in a si). Thla 2 chung cacawnnak cu a dihang i March thla chung hi Kwekabaw Hospital le Shwe Lamin Hospital ah practical an tuah lai i, April-May, 2020 thok cun Field chung ah rian an tnan kho cang lai. Anmah an tnan khawh ahcun Medical Missionaries hi 25 an si cang lai.

Taang 10 Camipuui Phitnak

Tu lio hi Kawlram ah High School Final, Taang 10 camipuui an phit lio a si. Hakha ICBM boarding School in Taang 10 a phi mi hi 22 an si, March 16 tiang ah Subject 4 an phit cang i kan phit khawh ko tiah an ti ca ah percentage sang nawn awng ding in kan i ruahchan.

Kawlram in Sawmmi Khual

CBCUSA BT meeting ah report pe ding le Mission Awareness program ca i sawm mi Rev. Van Lal Hngak, Office Secretary, ICBM office, Hakha le Rev. Steven Tlangchy, General Secretary, Paletwa Baptist Association cu March 24 ah USA a rak phan ding an si nain tulio kan tlangrai ruang ah air ticket an cancel i Bawipa nih aa rem a ti ahcun tlangrai a thian deuh in an ra te lai.

Paaletwa Mission Field

Kan theih cio bantuk in AA ruang ah Paletwa peng cu a buai tuk ruang ah Paletwa peng um kan unau hna cu harnak an tong ngaingai. ICBM Missionaries rian an tñan kho ti lo. Peng dang in rian a tñan mi kan Missionary pawl zong an khua cio ah kan tlunter cang hna. Ze itik ah rian an thok khawh ðhan lai ti zong a fiang rih lo, caan sau a buai rih ding a si ahcun field dang ah ðhial ding in timhlahm a si ca ah report zong kum dang bantuk in an pe kho lo. Thlacamnak in philh hna hlah usi.

Chin Education Center (Hakha) Innkil Lung Chiahnak

CBCUSA Mission Department nih Chin Education Center sak timh mi Innkil Lung chiahnak le Pathian sin pekchanh thlacamnak cu Feb. 13, 2020 ah an tuah i, Hakha Christian Ministers Fellowship (HCMF) Chairman a si i, Hakha Baptist Association (HBA) General Secretary zong a si mi Rev. Nawl Cung Lian nih innkil lung a chiah.

Mah thlacamnak ah ICBM Building Committee chungtel hna, ICBM Boarding School i cachim saya/ma pawl, le Inn satu ding ah Building Committee nih rian pek mi Rung Family Construction Co., Ltd. in tñanvo ngei an i tel. Rung Family Construction Co., Ltd. In Pu Chum Ling te nih chuncaw an dangh hna.



ICBM Boarding School Awards

Hakha ICBM Boarding School ah sianginn a kai mi siangngakchia hna (8th – 10th Grades) chung in 2019 – 2020 cacawn kum ah a lamkip thiamhlel minung 15 laksawng peknak cu February 16, 2020 ah ngeih a si. Laksawng a la mi hna hi anmah an kainak sianginn huap in, Toawship level, District le State level tiang in laksawng a la mi hna an si. Paletwa in minung 6, Mindat in 3, Kanpalet in 2, Gangaw in 3, Ann 1 an si. Sianginn cacawn i a thiam mi lawng si loin Hakha holh a thiam bik mi minung 5 zong awards hi pek an si ve.



၂၀၁၉-၂၀၂၀ ပညာသင်နှစ်အတွင်း ICBM Boarding School (Hakha) ၏ ဆုရကျောင်းသူ/သားများ

စဉ်	အမည်	မြို့နယ်	အတန်း	ဆုရသည့်ခေါင်းစဉ်/ဖြည့်ပွဲ	အဆင့်	ရရှိသည့်ဆု
၀၁	မောင်တင်မောင်း	မင်းတင်	၁၀တန်း	၂၀၁၈-၂၀၁၉ ပညာသင်နှစ် (၉)တန်း (တွဲ-၂) စာမေးပွဲ	ကျောင်း	ပထမ
၂	မောင်နေလင်းဌေး	ပလက်ဝ	၁၀တန်း	၂၀၁၈-၂၀၁၉ ပညာသင်နှစ် (၉)တန်း (တွဲ-၂) စာမေးပွဲ	ကျောင်း	ဒုတိယ
၃	မောင်စိုးနိုင်သိန်း	ပလက်ဝ	၁၀တန်း	၂၀၁၈-၂၀၁၉ ပညာသင်နှစ် (၉)တန်း (တွဲ-၂) စာမေးပွဲ	ကျောင်း	တတိယ
၄	မောင်ကာမဲလ်	ပလက်ဝ	၉တန်း	(၁) အာစာနည်ခန့် (ပဟာပြေ)	ထက်ဆင့်	ဒုတိယ
				(၂) နိုင်ငံတကာစာတတ်မြောက်ရေးခန့် (ကဗျာ)	ထက်ဆင့်	ဒုတိယ
၅	မဟန့်ရီဝင်း	မင်းတင်	၉တန်း	(၃) အမျိုးသားခန့် (ကဗျာ)	ထက်ဆင့်	ဒုတိယ
				(၄) အမျိုးသားခန့် (စာစီစာကုံး)	ထက်ဆင့်	ပထမ
၆	မမာစီ	ပလက်ဝ	၉တန်း	(၅) ကျောင်းကျန်းမာရေးသိတင်းပတ်ခန့် (ကဗျာ)	ထက်ဆင့်	ပထမ
				(၆) ဘော်လုံးလက်ရွေးစင် (ချင်းပြည်နယ်ကိုယ်စားပြု)	ပြည်နယ်ဆင့်	တတိယ
၇	မရှင်းကီး	ကန့်ပက်လက်	၉တန်း	(၇) အာစာနည်ခန့်(စာစီစာကုံး)	ထက်ဆင့်	တတိယ
				(၈) ကလေးလူငယ်အခွင့်အရေးဆိုင်ရာခန့် (စာစီစာကုံး)	ထက်ဆင့်	တတိယ
၈	မရိုစီဦး	ဂန့်ခေါ	၉တန်း	၂၀၁၈-၂၀၁၉ ပညာသင်နှစ် (၈)တန်း စာမေးပွဲ	ကျောင်း	ဒုတိယ
၉	မောင်အောင်နိုင်	ပလက်ဝ	၈တန်း	လူ့စွန့်ပွဲ	ခရိုင်ဆင့်	ပထမ
၁၀	မအွဲမနား	ကန့်ပက်လက်	၈တန်း	ပြေးခုန်ပစ် (လှုပ်ပစ်) လက်ရွေးစင် (ချင်းပြည်နယ်ကိုယ်စားပြု)	ပြည်နယ်ဆင့်	ပထမ
၁၁	မအာစီဟဲ	ဂန့်ခေါ	၈တန်း	အမျိုးသားခန့် (ကဗျာ)	လယ်ဆင့်	ပထမ
၁၂	မဟန့်	မင်းတင်	၈တန်း	အပြည်ပြည်ဆိုင်ရာမသန်စွမ်းသူများခန့် (စာစီစာကုံး)	လယ်ဆင့်	ဒုတိယ

စဉ်	အမည်	မြို့နယ်	အတန်း	ဆုရသည့်ခေါင်းစဉ် (ဖြည့်ပွဲ)	အဆင့်	ရရှိသည့်ဆု
၁၃	မမြတ်နိုးခင်	ဂန့်ခေါ	၈တန်း	(၁) အာဂတိုလိုက်စားမှုတိုက်ဖျက်ရေးခန့် (စာစီစာကုံး)	ပြည်နယ်ဆင့်	ပထမ
				(၂) အာဂတိုလိုက်စားမှုတိုက်ဖျက်ရေးခန့် (စာစီစာကုံး)	မြို့နယ်ဆင့်	တတိယ
				(၃) ကမ္ဘာ့ပတ်ဝန်းကျင်ထိန်းသိမ်းရေးခန့် (စာစီစာကုံး)	လယ်ဆင့်	ပထမ
၁၄	မမိုးသူစာ	ပလက်ဝ	၈တန်း	(၄) စာပေတတ်မြောက်ရေးခန့် (စာစီစာကုံး)	လယ်ဆင့်	ပထမ
				(၅) လွတ်လပ်ရေးခန့် (စာစီစာကုံး)	လယ်ဆင့်	တတိယ
				(၆) ကျောင်းကျန်းမာရေးသိတင်းပတ်ခန့် (စာစီစာကုံး)	လယ်ဆင့်	တတိယ
၁၅	မတင်စာထွေး	အမ်း	၈တန်း	(၇) အမျိုးသားခန့် (စာစီစာကုံး)	လယ်ဆင့်	နှစ်သိမ့်
				(၈) စာပေတတ်မြောက်ရေးခန့် (စာစီစာကုံး)	လယ်ဆင့်	တတိယ
				(၉) သဘာဝဘေးအန္တရာယ်ထိန်းသိမ်းကာကွယ်ရေးခန့် (စာစီစာကုံး)	လယ်ဆင့်	တတိယ
				(၁၀) ကလေးလူငယ်အခွင့်အရေးဆိုင်ရာခန့် (စာစီစာကုံး)	လယ်ဆင့်	ပထမ
				(၁၁) အပြည်ပြည်ဆိုင်ရာမသန်စွမ်းသူများခန့် (စာစီစာကုံး)	လယ်ဆင့်	ပထမ
				(၁၂) လွတ်လပ်ရေးခန့် (စာစီစာကုံး)	လယ်ဆင့်	ဒုတိယ
				(၁၃) အာဂတိုလိုက်စားမှုတိုက်ဖျက်ရေးခန့် (စာစီစာကုံး)	ပြည်နယ်ဆင့်	တတိယ
(၁၄) အာဂတိုလိုက်စားမှုတိုက်ဖျက်ရေးခန့် (စာစီစာကုံး)	မြို့နယ်ဆင့်	ဒုတိယ				

Director Khualtlawnnak

Tulio kan ton mi “Coronavirus” ruang ah Khrihfabu tlawn ding in rak timhlamh mi vialte tlawn rih lo ding in thawn chung a si. CBCUSA ram chung nulepa hna nih nan theihthiam nak lai kan in nawl hna.

TESTIMONY (By Hmwe Kyu Kyu)

Keimah ka min cu Hmwe Kyu Kyu a si i, Paletwa khua pawng Kyile (Cile) khua ah Pathian rian a ùan mi ICBM missionary ka si. Paletwa peng ah AA buainak aa thoknak cu a sau pah cang nain nai December thla khan cun a fah tuk cang ca ah Krismas le Kum Thar zong thaṭhi in kan tuah kho lo. Kum Thar kan tuah lio hna ah cun Inn chung i kan i pumh lio ah leng ah an i kap. January 3, 2020 ah cun Kyile khua chung ah AA an rak lut i zeitihmanh in um awk a ṭhat ti lo ruang ah kan nunnak himnak ding ah Zumtu 15 he Paletwa lei ah kan zaam. Paletwa kan phak hnu ah AA nih khuami ngeih mi Chiti, Facang le, Vok le Ar tiang in an chuh hna, minung tampi zong an tuk an velh hna. Minung umlonak inn hna cu an baoh i an duh mi thilri poh an fir an laak. An laak mi thil cu chunnitlak ramlak lei ah an phorhter rih hna.



Missionary Hmwe Kyu Kyu

Kyile (Cile) khua ah an hmuh mi Pa poh cu an velh hna i fawi tein Sizung zong an phak khawh lo ruang ah lungfim lo le molh tiang in a um mi an tampi. Keimah ùannak kan Khrihfa-upa pakhat zong an velhna ah a baan a kiak.



Siangngakchia le Mino a zam kho mi poh Paletwa lei ah an rak zam dih, nain nulepa cu Inn nan hngah lo ahcun nan Inn kan khangh lai tiah an ti hna ca ah Sizung hmanh ah i zohter lo in Inn ah an kir i Inn an hngak. Keimah le ngakchia 8 cu PBA (Paletwa Baptist Association) zung ah kan um. Paletwa ah a rak zam kho mi cheukhat cu an hliamhma he Buddhist pawl tiang nih telephone an ka chawnh, Pathian sin ah thla kan campiak an ti i mitthli he thla

ka campiak hna. Mui hmuh lawng si lo in Telephone chung tiang in thla ka campiak hna. Paletwa khua chung ah theihngalh, chungkhat a ngei lo mi cheukhat cu Tiva kam ah an hren mi Vokkuanglawng cung ah an fale he an riak. Zoh ah zaangfak tuk an si hna, mitthli he an ca i thla campiak lawng ka tuah khawh mi asi, CBCUSA nulepa hna zong nih thla nan kan campiak peng nak lai ka'n nawl hna.

(Hmwe Kyu Kyu hi Dallas Chin Baptist Church nih an rak zoh mi a si i, ICBM missionary lak ah Pathian hman mi le thluachuah a pek mi a si. Paletwa cu fawi tein daih khawh dawh a si lo ruang ah Paletwa peng i ICBM missionary cheukhat cu Rakhine ram le hmun dang ah thial zong a herh te men lai.)

AA le Kawl ralkap kar ah vanlawng bom thlak hma a pu i, Matupi sizung ah an chiah mi mizaw 5 cu CBCUSA nih Paletwa bawmhnak a pek mi chung in PBA (Paletwa Baptist Association) upa te nih bawmhnak an pek hna lio.



Myanmar Director Rev. Thla Tin Thang sin in:
 ICBM Boarding School in Tang 9 awng pawl cu sianginn khar chung ah Tang 10 ca chimh le cawnpiak chung an si tawn. Kawlram ah COVID-19 a phanh ve cang ruang ah March 13 zing ah ICBM Boarding School sayate te he lakhruak tonnak (emergency meeting) kan tuah. Sianginn khar chung i Tang 10 ca cawng ding siangngakchia 23 cu an umnak (khua) cio ah tlunter dih an si cang. Bawipa nih kan fale (siangngakchia) dihlak kilveng cio ko hna seh!

